



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 87. Aliorum Theologorum sententiæ circa Ordinem.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A.C. 1562.

testificatio: eapropter idem Theologus studuit id probare ex quarta eadem S. Cypriani epistola in libro primo contenta quam Sotus produxerat. Finito hoc sermone reliqui tertiæ classis Theologi suam exposuerunt sententiam, usque ad secundam Octobris diem; quæ absoluti sunt Theologorum conventus, reliquis tribus classibus ad Sacramentum Matrimonii reservatis.

§. LXXXVII.

Aliorum Theologorum sententiæ circa Ordinem.

Sarp. l. 7.
p. 571.

Supererant plures alii adhuc Theologi qui itidem in hisce conventibus perorantes, suas quisque sententias promebant, atque inter alios Hieronymus Bravus Dominicanus propugnabat, quod Ordines sint numero septem, & quilibet veri nominis Sacramentum, usque Ecclesiæ servari debeat, vi cuius per inferiores Ordines intermedios, ad superiores, ipsumque adeo Sacerdotium, contenditur. His dictis inquebat, a Magistro Sententiarum doceri, quod minores Ordines, & Subdiaconatus ab Ecclesia fuerint instituti, Diaconatus vero in sacris literis indicatus non nisi Mensarum ministerium fuerit, non autem Altaris, prout nostrum esset ministerium: porro Divum Thomam affirma-

re

re aiebat, quod in Ecclesia primitiva Sæcul. XVI.
 multi, quin per inferiores gradus ad sa- A.C. 1562.
 cerdotium conscendissent, illico sint or-
 dinati Presbyteri, Ecclesia tamen hunc
 transitum per omnes Ordines eo fine
 instituerit, ut illi, qui ad sacerdotium
 aspirarent, per humilitatis viam duce-
 rentur. Denique concludebat, haud con-
 sultum sibi videri, si Synodus ultra ea,
 quæ cunctis Catholicis rata habentur,
 progrediretur: ut proin in hac mate-
 ria de Sacramento Ordinis optime a
 sacerdotio inciperetur, eoque pacto huic
 Sessioni aptissima fieret connexio cum
 priori, in qua de Missæ sacrificio actum
 erat: tum etiam a Sacerdotio ad Ordi-
 nem in univèrsum progrediendum, nec
 ultra ad particularia descendendum sua-
 debat.

Postmodum Thomas Dassius Valen-
 tinus Canonicus, qui & ipse ex secun-
 dæ classis Theologis erat unus, circa
 quartum articulum de Hierarchia Ec-
 clesiastica prolixo admodum sermone
 hæc exposuit: „ per summam antiqui-
 tatis ignorantiam enata est de Hierar-
 chia Ecclesiastica dubitatio; cum res
 „ sit notissima, quod in Ecclesia populus
 „ semper regi consueverit a clero, &
 „ in ipso clero inferiores a superioribus,
 „ dum omnes hi gradus ad unum tan-
 „ dem Pastorem universalem, qui est E-
 „ piscopus

Sæcul. XVI. „piscopus Romanus, reducantur: „ Hæc
 A.C. 1562. „propositione multis verbis confirmata
 „subjecit Daffius: „ existimo, quod id u-
 „num requiratur, ut hæc veritas mani-
 „festa fiat contrariis erroribus sublatis,
 „qui a scholasticis, cum hi nimio subti-
 „litate studio interdum res claras ob-
 „scurent, sunt introducti, dum Canoni-
 „stis se opponunt, *Primam Tonsuram, &*
 „*Episcopatum* inter Ordines referenti-
 „bus: porro de Episcopatu, mirum mi-
 „hi videtur, eos negare velle, quod sit
 „Ordo; cum fateantur scholastici, Epif-
 „copis esse propriam confirmationem,
 „ordinationem, totque alias consecra-
 „tiones, quas, si quis alius tentaret, ni-
 „hil esset acturus, & tamen Episcopa-
 „tum esse Ordinem negare audent,
 „quamvis Ordinem dicant Ostiarii mu-
 „nus, cui incumbit, obserare Ecclesie
 „portas, quas non minus commode qui-
 „vis laicus posset occludere, quod ad
 „*primam Tonsuram* attinet, semper a
 „Theologis percepi: *Sacramentum esse*
 „*signum externum gratiam spiritualem, ac*
 „*invisibilem significans:* cum ergo in pri-
 „ma Tonsura sit signum, & res significa-
 „ta, necnon deputatio ad res divinas,
 „satis mirari non possum, cur ei Sacra-
 „menti essentiam auferre postulent, præ-
 „sertim cum per eam ad Clericalem
 „statum introitus fiat, atque obtineatur
 „par-

„participatio exemptionum Ecclesiasti- **Sæcul. XVI.**
 „carum: ceterum si veritati innititur, **A.C. 1562.**
 „quod Hierarchia a Christo Domino
 „non sit instituta, tunc neque clerica-
 „tus, neque ejus exemptio posset divi-
 „ni juris dici: illud autem omnino patet,
 „quod Hierarchia in gradibus Ordinum
 „Ecclesiasticorum consistat, neque alia
 „insit voci *Hierarchiæ* vis quam quod sit
 „Ordo sacer superiorum, & inferiorum:
 „porro hic nunquam recte constare pos-
 „set, nisi quis inter Ordines, quod a Ca-
 „nonistis cum ratione factum, infimum,
 „seu *Tonsuram*; & summum, qui est
 „*Episcopatus*, numeret; nam eo pacto Hie-
 „rarchia omnis probe constituta est,
 „cum primo, & ultimo stabilito, inter-
 „medii necessario consequantur, qui si-
 „ne his positus nullo modo consistere
 „possent.

De altera articuli parte ita differuit:
 „ex sacrorum Canonum lectione mani-
 „feste constat, quod in Episcoporum e-
 „lectione, & Presbyterorum, ac Diaco-
 „norum deputatione, summi & infimi
 „e populo fuerint præsentés, & suffra-
 „gium tulerint, aut saltem præbuerint
 „assensum, hoc tamen duntaxat ad Pa-
 „pæ concessionem tacitam, vel expressam
 „factum; neque enim cuiquam laico in
 „rebus Ecclesiasticis ulla auctoritas com-
 „petebat, nisi ex privilegio Pontificio,

Hist. Eccles. Tom. XLV, D d id

Sæcul. XVI. „idque tum fuit concessum, quia popu-
A.C. 1562. „lus, & primores pietati addicti, rerum
 „spiritulium studio, atque amore deti-
 „nebantur, adeoque hoc ipso plus oble-
 „quii, & reverentiæ præstabant clero,
 „promptioresque ad ipsum oblationibus,
 „& donationibus cumulandum redde-
 „bantur: unde sancta Ecclesia ad eum,
 „in quo nunc est, statum pervenerat:
 „at cum hæc pietas refrigerare cæpi-
 „set, & sæculares Ecclesiæ inhiarent,
 „& omni ope niterentur, ut ii in sacris
 „Ordinibus constituantur, qui ipsorum
 „voluntati morem gerere velint, mer-
 „ito ademptum ipsis est privilegium,
 „quo fruebantur, atque ipsi ab ordina-
 „tionibus, & electionibus prorsus ex-
 „clusi fuere.”

Inde concludebat, hunc articulum non modo tanquam hæreticum fore condemnandum, sed etiam corrigendum esse Pontificale, expungendosque omnes illos textus, qui ejusmodi consensus mentionem faciunt, quibus non oblitteratis hæretici semper in rem suam abuturi sunt, ut inde necessarium esse comprobent populi suffragium ac consentum, prout hodie dum hæretici semper perperam inculcant.

Absoluto Thomæ sermone alius quidam Lusitani Regis Theologus itidem Dominicanus nomine Franciscus Ferie-
 rus

Sæcul XVI.

A. C. 1562.

rus ita effatus est : „ non potest in du-
 „ bium revocari Hierarchia Ecclesiæ ca-
 „ tholicæ, quæ & traditione Apostolica,
 „ & omnis antiquitatis testimonio, nec-
 „ non perpetua Ecclesiæ consuetudine
 „ confirmatur: quamvis vero hoc voca-
 „ bulum non ab omnibus usurparetur,
 „ res tamen significata in usu semper
 „ fuit; Dionysius enim Areopagita pro-
 „ prium ejus argumenti tractatum con-
 „ fecit, eamque Concilium Nicenum ap-
 „ probavit, & consuetudinem antiquam
 „ nominavit. Porro de illo, quod a Pa-
 „ tribus ad quarti sæculi initium jam
 „ dicitur antiquum, nemo poterit nega-
 „ re, quin Apostolorum sæculo ejus or-
 „ tus debeat: ideo hoc tantum mihi mo-
 „ nendum videtur, quod de ea tractandi lo-
 „ cus non sit unacum Sacramento Ordinis,
 „ tametsi a multis e scholasticis id fiat,
 „ qui Hierarchiam in Ordinibus superio-
 „ ribus & inferioribus reponunt, quæ ta-
 „ men sententia consistere non potest,
 „ cum certum constet, Pontificem esse
 „ summum Hierarcham, & post illum
 „ sequi Cardinales, Patriarchas, Prima-
 „ tes, Archiepiscopos, atque Episcopos,
 „ & post hos Archipresbyteros, Archi-
 „ diaconos, aliosque Prælatos subordi-
 „ natos uno capiti, summo scilicet Pon-
 „ tifici: insuper si ea disputatio, an E-
 „ piscopatus sit ordo, omittitur, de reli-

D d 2 quæ

Sæcul. XVI. „quis certum habetur, quod Archiepiscopus
 A. C. 1562. „copatus, Patriarchatus, & Papatus
 „non sint Ordines, & per Episcopatum
 „nihil aliud, quam jurisdictio, & superi-
 „rioritas denotetur: igitur in jurisdi-
 „ctione consistit Hierarchia, & in illa
 „Concilio Niceno posita fuit, cum de
 „Pontifice Romano, Alexandrino, &
 „Antiocheno verba fecit; adeoque cum
 „de Ordine tractatur, non est oportu-
 „num agere de Hierarchia, ne forte ad-
 „versariis calumniandi causa præ-
 „beatur. „

§. LXXXVIII.

*Varia Theologorum sententia circa
Hierarchiam.*

Sarp. p. 576. Hic articulus de Hierarchia non mi-
 nus, ac ille de Episcopatu longum
 modum tempore discutiebatur; quia
 enim speciale quid in medium proferre
 gloriosum censebat, præcipue circa
 quæstionem: an Episcopatus sit Ordo
 a sacerdotio diversus, ubi plures in eam
 sententiam abibant, quod Episcopatus
 duntaxat dignitate sacerdotio sit superi-
 or, nilque aliud Presbyteratui super-
 addat quam jurisdictionem, non autem
 diversum Ordinem, quam opinionem
 sancti Thomæ Aquinatis, & D. Bonave-
 nturæ testimoniis firmabant: Atta-
 men notum est, quas dari potestates di-
 veras